



Broj: 02/1-45-5/24-AP-97
Datum: 26.11.2024.. godine

GRADONAČELNICA

- O V D J E -

PREDMET: Pregled različitih pravnih rješenja u Kolektivnom ugovoru za službenike organa uprave i sudske vlasti u Federaciji Bosne i Hercegovine u odnosu na opće akte Grada Zavidovići, dostavlja se

U vezi sa potpisivanjem Ugovora o pristupanju Kolektivnom ugovoru za službenike organa uprave i sudske vlasti u Federaciji Bosne i Hercegovine („Službene novine FBiH“, broj: 98/2023), u ovom pregledu prikazana su različita pravna rješenja u Kolektivnom ugovoru za službenike organa uprave i sudske vlasti u Federaciji Bosne i Hercegovine („Službene novine FBiH“, broj: 98/2023) u odnosu na Odluku o plaćama, dodacima na plaću i naknadama plaće zaposlenih u općinskom organu državne službe Općine Zavidovići („Službeni glasnik Općine Zavidovići“, broj: 3/2015, 8/2017 i 1/2024), Odluke o visini i načinu ostvarivanja prava na naknade i dodatke na plaću zaposlenih u općinskom organu državne službe Općine Zavidovići („Službeni glasnik Općine Zavidovići“, broj: 3/2018), Pravilnika o postupku ostvarivanja naknada i dodataka na plaću zaposlenih u općinskom organu državne službe Općine Zavidovići („Službeni glasnik Općine Zavidovići“, broj: 11/2018), Pravilnika o plaćama, dodacima na plaću i naknadama u jedinstvenom organu uprave i drugim organima Grada Zavidovići („Službeni glasnik Grada Zavidovići“, broj: 2/2024) i Pravilnika o radnim odnosima u Općini Zavidovići („Službeni glasnik Općine Zavidovići“ broj: 1/2022 i „Službeni glasnik Grada Zavidovići“ broj: 1/2023), kako slijedi:

U članu 25. stav (1) Kolektivnog ugovora ugovora za službenike organa uprave i sudske vlasti u Federaciji Bosne i Hercegovine („Službene novine FBiH“, broj: 98/2023), povećanje plaće po osnovu penzijskog staža iznosi 6%, dok je u članu 5. stav (1) Pravilnika o plaćama, dodacima na plaću i naknadama u jedinstvenom organu uprave i drugim organima Grada Zavidovići („Službeni glasnik Grada Zavidovići“, broj: 2/2024), propisano da je povećanje plaće 5%.

U članu 27. stav (1) Kolektivnog ugovora ugovora za službenike organa uprave i sudske vlasti u Federaciji Bosne i Hercegovine propisana su uvećanja osnovne plaće po osnovu:

- a) prekovremeni rad –najmanje 50%,
- b) noćni rad- najmanje 35%,
- c) rad u dane sedmičnog odmora –najmanje 30%,
- d) rad u dane praznika koji su po zakonu državni praznici- najmanje 50%.

Stavom 2) istog člana propisano je da se uvećanja iz stava 1) ovog člana međusobno neisključuju

U članu 27. stav (2) Kolektivnog ugovora ugovora za službenike organa uprave i sudske vlasti u Federaciji Bosne i Hercegovine propisano je da se uvećanja osnovne plaće (prekovremeni rad noćni rad, rad u dane sedmičnog odmora i rad u dane praznika koji su po zakonu državni praznici) međusobno ne isključuju, dok je članom 9. stav 5) Pravilnika o postupku ostvarivanja naknada i dodataka na plaću zaposlenih u općinskom organu državne službe Općine Zavidovići („Službeni glasnik Općine Zavidovići“, broj: 11/2018), propisano da se međusobno isključuju.

Članom 29. stav (2) Pravilnika o plaćama, dodacima na plaću i naknadama u jedinstvenom organu uprave i drugim organima Grada Zavidovići („Službeni glasnik Grada Zavidovići“, broj: 2/2024), propisano je uvećanje osnovne plaće za

- a) prekovremeni rad 25% neto satnice,
- b) rad u dane sedmičnog odmora 15% neto satnice,
- c) noćni rad 25% neto satnice,
- d) rad u dane praznika koji su po zakonu državni praznici 40% neto satnice.

U članu 35. stav (1) Kolektivnog ugovora ugovora za službenike organa uprave i sudske vlasti u Federaciji Bosne i Hercegovine propisano je da se u slučaju povrede na radu, teške bolesti i invalidnosti državnog službenika ili namještenika ili člana njegove uže porodice isplaćuje jednokratna novčana pomoć u visini **od 2 prosječne neto** plaće isplaćene u FBiH prema prema posljednjem objavljenom podatku Federalnog zavoda za statistiku, dok u članu 37. stav (1) Pravilnika o plaćama, dodacima na plaću i naknadama u jedinstvenom organu uprave i drugim organima Grada Zavidovići („Službeni glasnik Grada Zavidovići“, broj: 2/2024) nisu navedeni **članovi uže porodice** državnog službenika i namještenika (njima je predviđena **1 plata** u slučaju teške bolesti.

U članu 35. stav (2) i (4) Kolektivnog ugovora ugovora za službenike organa uprave i sudske vlasti u Federaciji Bosne i Hercegovine propisano je da u slučaju smrti državnog službenika, odnosno namještenika, njegovoj porodici se isplaćuju troškovi sahrane u visini 4 prosječne neto plaće isplaćene u FBiH prema prema posljednjem objavljenom podatku Federalnog zavoda za statistiku, dok u članu 38. stav (1) Pravilnika o plaćama, dodacima na plaću i naknadama u jedinstvenom organu uprave i drugim organima Grada Zavidovići („Službeni glasnik Grada Zavidovići“, broj: 2/2024) je propisano da se isplaćuju 2 prosječne neto plaće za troškovi sahrane.

U članu 35. stav (3) alineja treća Kolektivnog ugovora ugovora za službenike organa uprave i sudske vlasti u Federaciji Bosne i Hercegovine kod članova uže porodice državnog službenika ili namještenika nije propisano da roditelji, (otac, majka, očuh, maćeha i usvojitelji) moraju biti u zajedničkom domaćinstvu sa državnim službenikom, dok je članom **25. stavom (3) Odluke o visini i načinu ostvarivanja prava na naknade i dodatke na plaću zaposlenih u općinskom organu državne službe Općine Zavidovići („Službeni glasnik Općine Zavidovići“, broj: 3/2018), propisano da** roditelji, (otac, majka, očuh, maćeha i usvojitelji) moraju živjeti u zajedničkom domaćinstvu sa državnim službenikom i namještenikom.

U članu 36. stav (1) Kolektivnog ugovora ugovora za službenike organa uprave i sudske vlasti u Federaciji Bosne i Hercegovine, propisano je da državni službenik i namještenik ima pravo na otpremninu pri dolasku u penziju u visini svojih 5 ostvarenih prosječnih neto plaća isplaćenih u prethodnih pet mjeseci ili 5 prosječnih neto plaća isplaćenih u Federaciji BiH, prema posljednjem objavljenom podatku Federalnog zavoda za statistiku, bez obzira da li odlazi u starosnu, invalidsku ili prijevremenu penziju, u skladu sa zakonom, uz primjenu povoljnijeg prava uposlenika dok je članom 39. Pravilnika o plaćama, dodacima na plaću i naknadama u jedinstvenom organu uprave i drugim organima Grada Zavidovići („Službeni glasnik Grada Zavidovići“, broj: 2/2024), propisano da radnik ima pravo pravo na

otpremninu prilikom odlaska u penziju u iznosu od pet njegovih prosječnih plaća isplaćenih u prethodnih pet mjeseci.

U članu 12. stav (1) Kolektivnog ugovora za službenike organa uprave i sudske vlasti u Federaciji Bosne i Hercegovine propisano je da se godišnji odmor od 20 radnih dana uvećava prema posebnim osnovama i mjerilima, s tim da ukupno trajanje godišnjeg odmora ne može biti duže od 36 radnih dana dok je članom 141. Pravilnika o radnim odnosima u Općini Zavidovići („Službeni glasnik Općine Zavidovići“ broj: 1/2022 i „Službeni glasnik Grada Zavidovići“ broj: 1/2023), propisano da za općinskog načelnika, savjetnika općinskog načelnika, općinskog pravobranioca, zamjenika općinskog pravobranioca i rukovodeće državne službenike godišnji odmor iznosi najmanje 25-36 radnih dana, za ostale državne službenike najmanje od 20-36 radnih dana i namještenike najmanje 18-30 radnih dana.


U članu 18. stav (1) Kolektivnog ugovora za službenike organa uprave i sudske vlasti u Federaciji Bosne i Hercegovine propisano je da državni službenik ili namještenik ima pravo na odsustvo uz naknadu plaće (plaćeno odsustvo) od ukupno 7 radnih dana u kalendarskoj godini dok je članom 154. Pravilnika o radnim odnosima u Općini Zavidovići propisano za državne službenike ukupno 5 radnih dana, a za namještenike 7 radnih dana.

S poštovanjem

SEKRETAR GRADSKOG ORGANA
DRŽAVNE SLUŽBE

Nermin Čahtarević, dipl.pravnik

Obradio:


(Naila Jusupović)

Na osnovu člana 138. stav (3) Zakona o radu („Službene novine Federacije Bosne i Hercegovine“, broj: 26/16, 89/18, 44/22 i 39/24) i člana 77. stav (3) Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije Bosne i Hercegovine“, broj: 98/23), Grad Zavidovići, kojeg zastupa Gradonačelnica Mr.iur. Erna Merdić Smailhodžić i Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine, kojeg zastupa predsjednik Mr. Samir Kurtović, dana __. __.2025. godine, zaključuju

U G O V O R

o pristupanju Kolektivnom ugovoru za službenike organa uprave
i sudske vlasti u Federaciji Bosne i Hercegovine

Član 1. (Predmet)

Ovim ugovorom Grad Zavidovići pristupa Kolektivnom ugovoru za službenike organa uprave i sudske vlasti u Federaciji Bosne i Hercegovine („Službene novine Federacije Bosne i Hercegovine“, broj: 98/23- u daljem tekstu: Kolektivni ugovor).

Član 2. (Pristupanje)

Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine, kao reprezentativni sindikat, prihvata pristupanje Grada Zavidovići kao poslodavca, Kolektivnom ugovoru iz člana 1. ovog ugovora.

Član 3. (Primjena)

Ugovorne strane su saglasne da se upotrijebljeni izrazi u odredbama Kolektivnog ugovora koji se odnose na parlamentarnu proceduru, Vladu Federacije Bosne i Hercegovine, federalne organe državne službe, službenike sudske policije, federalne ustanove i druge federalne institucije imaju primjenjivati i tumačiti kao odredbe koje se odnose na ugovorne strane i na procedure Gradskog vijeća Grada Zavidovići, gradske službe za upravu, organe državne službe ili uprave, upravne organizacije i druge gradske institucije.

Član 4. (Stupanje na snagu)

Ovaj ugovor stupa na snagu danom potpisivanja od strane ovlaštenih predstavnika ugovonih strana, a isti će se objaviti u „Službenom glasniku Grada Zavidovići“.

Član 5. (Primjerci ugovora)

Ugovor je sačinjen u četiri istovjetna primjerka, pri čemu svaka ugovorna strana zadržava po dva primjerka ugovora.

Za Grad Zavidovići
Gradonačelnica

Za Samostalni sindikat državnih službenika i
namještenika u organima državne službe, sudske
vlasti i javnim ustanovama u Federaciji BiH

Mr.iur. Erna Merdić Smailhodžić

Predsjednik Mr.Samir Kurtović

Broj: 02-30-651/25-AP-2
Zavidovići, __. __.2025. godine

Broj: _____/25
Zavidovići, __. __.2025. godine